



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

16. Triplex machina mundi.

urn:nbn:de:hbz:466:1-12221

SYMBOLUM 14.

*Triplex bonum.**Honestum, utile, delectabile.***Q**uem tangit virtutis honos, rectique cupido,

Utilitatis habet, letitiaeque satis.

Utile nec mundum, nec delectabile carnem

Exsatiat, recti pax ab amore venit.

Est Trias utilitas satans, est vera voluptas;

Ad quam virtutis semita sternit iter.

SYMBOLUM 15.

*Tres corporum dimensiones,**Longitudo, latitudo, spissitudo; seu, linea, superficies, corpus.***L**inea quid signat? Triadem notat esse perennem,

Quis neget hanc longam? fine modoque caret.

Inde superficies spatijs extensa per amplis,

Quam late Triadis regna beata patent?

Corpus at immensæ Triadis portendit abyssum,

Absque ullo est fundo, tota profunda Trias.

Unde Job cap. 11. Excelsior calo est, & quid facies? profundior inferno, & unde cognosc? longior terra mensura ejus & latior mari. Empedocles rogatus quid Deus esset, respondit: est circulus, cuius centrum est ubique, circumferentia nusquam.

SYMBOLUM 16.

*Triplex machina mundi.***A**spicis ut medio libretur in aere tellus,

Ac immota sui iussa Parentis agit.

(a) Utque sui cælum peragit mandata Tonantis,

Quod rapido, præceps spiritus, orbe rotat.

Æquor

Æquor agitque suos servato limite fluctus ;
Sic Triadi paret machina lecta triplex.

(a) Illud diligentissime perpendo si ea que inanimata sunt nec ullâ mercede patientur, ita legem tuam servant, quam posuisti eis, quid mihi faciendum, qui excellentiori modo tibi servio, nec in vacuum aus gratias, sed ad cœlestia vocor dicit quidam vir pius. In psal. 118.

S Y M B O L U M 17.

Tres distinctæ aëris regiones.

IN superis varias Triadis perpende figuræ,
Nec pariunt modicas inferiora notas.
Aëris est regio triplex, quæ proxima cœlo,
Altera quæ medio est; proxima terna solo.
Ipsa Trias summâ cæli regione paravit,
Tot gradibus ternis ad sua regna viam.

S Y M B O L U M 18.

Tres terre Zonæ,
Torrida, frigida, temperata.

TRes Trias in terris, quæ temperat omnia, Zonas
Condidit haud ullâ conditione pares.
Horrendo riget una gelu, torretur ab æstu
Altera, temperie gratior illa magis.
Ure Trias quemvis æstuque geluque malorum,
Solari solita es, temperiemque dare.

S Y M B O L U M 19.

Tria in sole,
Lux, radius, calor.

Suspice flagrantem cælos qui circuit orbem,
Hic Pater est lucis, lux radiumque parit.

Cum